

Scheme for Legal Services to Disaster Victims through legal Services Authorities

Khuarel chhياتna leh mihring thiltih avangin chhياتna hi thleng fo thin a ni a. Chung chhياتna lo thlengah chuan a tuartute hian kawng hrang hrangin tanpui an ngai thin. Chutiang hun a thlena, a tuartuten tanpuina an dawn theih nan a tul anga hmalakna te puibawm a, tanpuina hna thawh hi Legal Services Authority te mawhphurhna peng pakhat a ni a.

He Scheme hi National Legal Services Authority chuan India ram chhunga State leh UT zawng zawnga hman turin a duang a. Amaherawh chu, Mizoram-ah chuan he scheme ang tak hian kalpui a la ni lo va, department dangte nen pawh thawhhona mumal tak neih a la ni lo.

He scheme-in a tum tlangpuite chu :

1. District tinah chhياتna lo thlenga tanpui hna thawk turin Core Group din tur a ni a. Core group-ah hian Judicial Officer, Dan hremi (naupang lam leh hmeichhia pawh telin), Medical Doctor leh NGOs te ruat tur an ni. Secretary, DLSA chuan Register fel taka vawngin member te biak pawh theihna number chhinchhiah bawh tur.
2. State leh District Authority chuan Disaster Management Plan, State Disaster Management Authority emaw State Disaster Management Authority emaw-in an duan chu kawh tur a ni. Chu plan ang chuan a theih dan kawng kawngin department dangte puibawm thin tur a ni.
3. Chhياتna tawktute hnenah heng ei leh in, insawn chhuah leh chenna tur buatsaih kawngah a thawktute tanpui a, a tul anga endik a, thil fello a awm chuan rang takin sawrkarah hriattir nghal tur a ni.
4. Chhياتna lo thleng avangin chhungkua inthenna a thleng fo thin. Chutiang mi an awm chuan a tul angin an inhmuhkhawm leh theih nan tanpui hna thawh.
5. Tlang hri leng te pawh awm thei a nih avangin chung laka an him theihna tura hmalak.
6. Hmeichhia leh naupangte hi awm nem zawk an ni a, tin, thil hlute venhim pawh a ngai khawp mai. Chhياتna avanga an bungrua bo leh venhim ngai an awm chuan rang taka Police lam hriattir.
7. An chen lailawkna hmunah ei tur, tui in tur leh damdawi an mamawh ang tawh an hmu em tih zir chian a, a tul anga a titheitu department te hrih hriat.
8. Chhياتna lo thleng avangin Sawrkar lam zangnadawmna pek an intiam thin a. Chung intiamna chu a kimin an hmu em tih te, tin, theihngihl emaw tihpuitlin sak vat loh te pawh a awm thei; chutiang a awm chuan rang tak leh kim taka an hmuh theih nan hmalak.

9. An ran vulh te, bungrua/thawmhnaw te him tak leh kim taka an hmuh leh theih nan a buaipuitute a tul anga puihbawm.
10. Chhiatna lo thleng chuan taksa leh rilru-ah nasa taka nghawng a neih theih avangin, relief camp-a awmte hnenah legal awareness campaign neih. Awareness Campaign hi mipui kokhawma tih ni lo sela, an chenna hmunah tlawhin, an harsatnate sawipui a, a tul anga hma lak sak.
11. Chhiatna lo thleng avangin thil pawimawh heng- ration cards, id, certificates hrang hrang, passport, driving licence leh thildangte tihbo a awm thin. Chung an thilbo te chu a duplicate an hmuh theih nana hma lak.
12. Vanduaithlak takin naupang ten an nu leh pa te an chan fo thin. Chutianga fahrahten harsatna an tawh chuan an dinhmun siam that lehna atan hma lak a, rilru lam doctor te pawhrawn sak a, nun bul an tan that leh nan a tul anga hma lak.
13. Chhiatna tawkten dinhmun an siam that leh theih nan bul tanna tur an mamawh thin. Bank te, Social Welfare Department leh a kaihhnawih department te dawr sak a, an bul tanna tur ngaihtuah sak.
14. Kum upa leh pianphunga rualbanlote zirchian a, dan anga tanpuina an hmuh theih nan hma lak.
15. Chhiatna tawkten Insurance an claim chuan Insurance Company te nen sawihopui a, inremna an hmuh theih nana tanpui.
16. Chhiatna tawkte hian rilru lamah harsatna an tawh fo avangin chutiang lama mithiam bikte nen relief camp tlawh a, an harsatna sawipui a, rilru lama harsatna an tawhte sutkian sak.
17. DLSA chuan Core Group hnen atangin report an lakhawm ang a, chu report chu SLSA-ah thawn leh thin tur a ni.

SLSA-in report a dawnte chu NALSA, District Management Authority leh Patron-in-Chief hnenah thawn leh thin tur a ni.

He scheme-in a sawi anga hmalakna buaithlak deuh a awm a nih chuan, SLSA emaw DLSA emaw Core Group emaw-in Executive Chairman, SLSA hnenah thurawn lak thin tur a ni.